



U G O V O R

o javnoj nabavci usluga offset štampe

Ugovorne strane:

KJKP "Sarajevogas" d.o.o. Sarajevo

Ul. Trg Fadile Odžaković Žute br. 4, Sarajevo

Koga zastupa: Direktor Preduzeća, mr.sc. Nihada Glamoč, dipl.ing.maš.

(u daljem tekstu: Kupac)

i

Svjetlostkomerc dd,

Ul. Muhameda Kantardžića br. 3, Sarajevo

Koga zastupa: Direktor, mr. Madžid Avdagić

(u daljem tekstu: Prodavac)

Član 1.

Predmet ovog ugovora je nabavka **usluga offset štampe** po konkurentskom zahtjevu za dostavljanje ponuda broj KN-05-13/17. Prodavac **usluga offset štampe** je dostavio ponudu prema Obrascu za cijenu ponude kupca broj SP-OJ06-KN-05-13/17 (Anex III). Sadržaj i vrijednost usluga iz stava 1. ovog člana (Obrazac za cijenu ponude SP-OJ06-KN-05-13/17- Anex III) priložena je ovom ugovoru i predstavlja njegov sastavni dio.

Član 2.

Ugovorna vrijednost usluga iz člana 1. ovog ugovora bez PDV-a iznosi: **24.825,00 KM (slovima: dvadesetčetirihiljadeosamstotinadvadesetpet KM)**, a jedinične cijene su specificirane u prilogu ovog ugovora i čine njegov sastavni dio. Jedinične cijene su fiksne i neće se mijenjati tokom perioda važenja ugovora.

Član 3.

Prodavac će usluge iz člana 1. izvršavati prema Obrascu za cijenu ponude SP-OJ06-KN-05-13/17 nakon zaključenja ovog ugovora i dostavljanja narudžbi od strane kupca. Ugovorne strane su saglasne da se kvalitativni i kvantitativni prijem isporučenog štampanog materijala izvrši od strane ovlaštenih predstavnika svake ugovorne strane u skladištu kupca.

Član 4.

Prodavac će obračun izvršenih usluga vršiti po jediničnim cijenama iz priloga ovom ugovoru. Kupac će plaćanje izvršiti u roku od 60 (šezdeset) dana nakon izvršenih usluga i prijema uredno ispostavljene fakture, na transakcijski račun prodavca naznačen na fakturi.

Član 5.

Kupac i prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom se podrazumijevaju slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorne strane, niti se objektivno mogu predvidjeti, a sprječavaju jednu ili obje ugovorne strane u ispunjavanju njihovih ugovornih obaveza.

Član 6.

Prodavac nije ovlašten da zaključuje podugovore sa drugim licima u cilju realizacije ugovornih obaveza bez prethodnog pismenog odobrenja kupca.



Član 7.

Prodavac je u obavezi da od momenta ispostavljanja narudžbe od strane kupca izvrši isporuku štampanog materijala u slijedećim rokovima: za stavku 4. iz Aneksa III – **30 dana** po narudžbi, za stavke 10., 11, 12. i 30. iz Aneksa III – **15 dana**, za stavke 13., 14., 15., 16., 23. i 24. iz Aneksa III – **7 dana**, a za sve ostale stavke iz Aneksa III - **5 dana**. Za svaki dan kašnjenja u isporuci kupac će zaračunati penale u iznosu od 1% ukupne vrijednosti ugovora s tim da ukupan iznos penala ne može biti veći od 10% ukupne vrijednosti ugovora.

Član 8.

Ukoliko kupac u ugovornom roku iz člana 4. ovog ugovora ne plati cijenu za izvršene usluge iz člana 1. ovog ugovora obavezan je prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 9.

Ovaj ugovor se zaključuje na period od 1 (jedne) godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 10.

Ugovorne strane su saglasne da prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključenja ugovora.

Član 11.

Na sve odnose i institute koji nisu navedeni u ugovoru, a pojave se prilikom realizacije, primjenjivat će se odgovarajuće odredbe Zakona o obligacionim odnosima.

Član 12.

Ovaj Ugovor stupa na snagu danom potpisivanja od strane obje ugovorene strane, a sačinjen je u 5 (pet) istovjetnih primjeraka, od kojih Kupac zadržava 3 (tri) primjerka a Prodavac zadržava 2 (dva) primjerka.

Član 13.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavat će nadležni sud u Sarajevu.

Za Prodavca:

Direktor, *Mr. Madžid Avdagić*

Broj ugovora, 02-4408/17

Za Kupca:

Direktor Preduzeća:

Mr. Nihada Glamoč
Mr. *Mr. Nihada Glamoč*, dipl.ing.maš.

Izvršni direktor:

Mr. Mehmed Mehović
Mr. Mehmed Mehović, dipl.oec.

Broj ugovora, 86/17

24-04-2017